

Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaata allanngortinneqarnissaa pillugu Inatsisartut inatsisaat (Tuniniaanissamik nittarsaassisarnermut inatsit)

(Toqqaannangitsumik ussassaarutit, influencer-it 15-it inorlugit ukiulinnut inerteqqutit, ukiukinnerusunut tuniniaanissamik nittarsaassinerit, taarsigassarsisitsinernit tuniniaanissamik nittarsaassinerit, atuisartoqarnermut tunngasumik oqartussat oqartussaassuseqarfiat, kinaassutsimik isertuussilluni saaffiginnissutit, akiliisitsinissamut suliat il. il.)

§ 1

Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaat nr. 39, 9. decembari 2015-imeersumi (tuniniaanissamik nittarsaassisarnermut inatsit), takuuk Namminersorlutik Oqartussat nalunaarutaat nr. 1, 26. marsi 2021-meersoq, ima allannguuteqartitsisoqassaaq:

1. § 4 ima oqaasertalerneqassaaq:

” § 4. Ussassaarutip ilusaa apeqquataatinnagu aammalu attaveqaaqatigiittarfinni sorlerni saqqummersinneqarnersoq apeqquataatinnagu, inuussutissarsiornermik ingerlatallip aningaasarsiorinissamik siunertaq erseqqissumik ilisimatitsiissutigissavaa.“

2. § 9, imm. 3 ima oqaasertalerneqassaaq:

” Imm. 3. Tuniniaanissamik nittarsaassineq meeqqanut inuusuttunullu sammitinneqartoq ukunangga imaqartinneqassanngilaq:

- 1) aangajaarniutinik, ilanngullugu imigassanik aalakoornartortalinnik, imaluunniit nioqqutinik meeqqanut inuusuttunullu 18-it inorlugit ukiulinnut naleqqutinngitsunik eqqartuinerit,
- 2) aangajaarniutit, ilanngullugu imigassat aalakoornartortalit, imaluunniit nioqqutit meeqqanut inuusuttunullu 18-it inorlugit ukiulinnut naleqqutinngitsut assiinik, imaluunniit
- 3) aangajaarniutinut, ilanngullugu imigassanut aalakoornartortalinnut, imaluunniit nioqqutinut meeqqanut inuusuttunullu 18-it inorlugit ukiulinnut naleqqutinngitsunut innersuussutit.“

3. § 9-mi imm. 4-6-itut ilanngunneqassapput:

” Imm. 4. Inuit attaveqaaqatigiittarfini profil-ini meeqqaniit inuusuttuniillu 15-it inorlugit ukiulinniit pigineqartuni pigineqartutulluunniit isikkoqartuni, imaluunniit profil-it aqqutigalugit tuniniaanissamik nittarsaassisoqaaqusaanngilaq..

Imm. 5. Inuit attaveqaaqatigiittarfini tuniniaanissamik nittarsaassinerni meeqqanut inuusuttunullu saaffiginnittuni, meeqqat 15-it inorlugit ukiullit imaluunniit taakkua assiliartalersorneri

atorneqaqqusaassanngillat, taamaattorli nioqqutimik takutitsinermi pissusissamisoortumik atassuteqarpata aatsaat pisinnaalluni.

Imm. 6. Nioqqutit sorliit meeqqanut inuusuttunullu 18-it inorlugit ukiulinnut naleqqutinningsutut isigineqassanersut pillugit Naalakkersuisut malittarisassanik aalajangersaasinnaapput, tak. imm. 3, nr.1-3.“

4. § 9 kingorna nutaamik qulequtaliisoqassaaq:

”Akiligassiissutinik isumaqatigiissutit aamma atuisartunut taarsigassiisartut ilaannik tuniniaanissamik nittarsaassisarnissamut inerteqqut”

5. Qulequtap nutaangornerata kingorna ikkunneqartussat:

” § 9 a. Aningaaseriviit aamma taarsigassiisartut allat atuisartunut akiligassiissutinik isumaqatigiissutinik ukiumut 25 procentimik annerusumilluunniit aningaasartuutitalinnik tuniniaasarpata, atuisartunut akiligassiissutinik isumaqatigiissutinik tuniniaanissamik nittarsaaqusaanngillat, taamaattorli tak. imm. 2 aamma 3.

Imm. 2. Ineqarneq pillugu akiligassarsisitsinissamut isumaqatigiissutinik tuniniaanissamik nittarsaassinermi imm. 1 atuutissanngilaq.

Imm. 3. Akiligassarsisitsinissamut isumaqatigiissut ukunani tuniniaanissamik nittarsaanneqarpata, Imm. 1-imi aalajangersagaq atuutissanngilaq:

- 1) taarsigassiisartup niuertarfiata sumiiffiani,
- 2) taarsigassiisartup nittartagaani,
- 3) qarasaasiaqarnikkut atortorissaarutitigut ungasianiit tuniniaanermi, taarsigassiisartumiit ingerlanneqartumi, imaluunniit
- 4) nioqqutimik kiffartuussissumilluunniit aalajangersimasumik pisinissamik siunertaqarnermi, matumanilu:
 - a) pisiniartup tuniniaasumut pisiap nalinga imaluunniit pisiap nalingata ilaata akilinngikkallarnissaa pillugu isumaqatigiissuteqareernerata kingorna, imaluunniit tuniniaasup suliami peqataasup avataaneersup akornanni isumaqatigiissuteqarnerat toqqammavigalugu, pisisup pisiaata nalinga imaluunniit pisiaata nalingata ilaannaa taarsigassarsiamik matussuserneqarsimappat,
 - b) tuniniaasup niuertarfiata sumiiffiani, nittartagaani, imaluunniit qarasaasiaqarnikkut atortorissaarutitigut ungasianiit tuniniaaffiini inuussutissarsiornermik ingerlatallip

ingerlataani, akiligassarsisitsinissamut isumaqatigiissut tuniniaanissamik nittarsaanneqarpata, aamma

c) nioqqutip imaluunniit kiffartuussutsip akia pillugu paasissutissiinermit atatillugu tuniniaanissamik nittarsaassineq pippat.

§ 9 b. Aningaaseriviit aamma taarsigassiisartut allat akiligassiissutinik isumaqatigiissutinik atuisartunut tuniniaasartut, pinnguaatinik imaluunniit pinnguaatinik tuniniaasunik tuniniaanermik nittarsaassinermut atatillugu tuniniaanermik nittarsaaqusaanngillat, taamaattorli tak. imm. 2-4.

Imm. 2. Imm. 1-imi aalajangersagaq atuutissanngilaq, ineqarneq pillugu akiligassarsisitsinissamut isumaqatigiissutinik tuniniaanissamik nittarsaassinermi.

Imm. 3. Imm. 1-imi aalajangersagaq atuutissanngilaq, akiligassarsinissamik isumaqatigiissut nioqqummik imaluunniit kiffartuussissummik pisinissamik siunertalimmik tuniniarneqarpata, tamatumunngalu pisiniartup tuniniaasumut pisiap nalinga imaluunniit pisiap nalingata ilaata akilinngikkallarnissaa pillugu isumaqatigiissuteqareernerata kingorna, imaluunniit tuniniaasup suliami peqataasup avataaneersup akornanni isumaqatigiissuteqarnerat toqqammavigalugu, pisisup pisiaata nalinga imaluunniit pisiaata nalingata ilaannaa taarsigassarsiamik matussuserneqarsimappat.

Imm. 4. Tuniniaanissamik nittarsaassineq taarsigassiisartut timersornermut aamma peqatigiiffinnut aningaasaateqarfinnullu tamat iluaqutissaanut aningaasatigut tapersiineratigut pippat, aamma taarsigassiisartuq ukiumut 25 procentimik qaffasinnerusumilluunniit aningaasartuutitalinnik taarsigassarsisitsinissaminut tuniniaanngippat, pinnguaatinik pinnguaatinilluunniit tuniniaasunik tuniniaanissamik nittarsaassinermut atatillugu aningaaserivinnik allanillu taarsigassiisartunik akiligassarsisitsinissamut isumaqatigiissutinik atuisunut tuniniaanissamik nittarsaassinermi, aalajangersakkami imm. 1 atuutinngilaq.

Atuutitsinnginneq taamaallaat allakkatigut aningaasatigut tapersiinermik isumaqatigiissuteqarfiusuni atuuppoq.”

6. § 24 kingorna ikkunneqassaaq:

” § 24 a. Inatsisartut inatsisaanik tamatumingna unioqqutinneqarsimasinnaasut pillugit kinaassutsimik isertuinikkut saaffiginnittoqarsinnaanissaanut Atuisartoqarnermut Unammilleqatigiinnermullu Aqutsisoqarfik portal-imik sanasinnaavoq.

Imm. 2. Atuisartoqarnermut Unammilleqatigiinnermullu Aqutsisoqarfik imm. 1 malillugu saaffiginnissummik tigusaqarsimanini pillugu Aqutsisoqarfup suliffeqarfik naammagittaalliuutigineqartoq imaluunniit allat ilisimateqqusaanngilai.

Imm. 3. Atuisartoqarnermut Unammilleqatigiinnermullu Aqutsisoqarfik saaffiginnissummik tigusaqarsimane pillugu suliffeqarfik naammagittaalliuutigineqartup imaluunniit allap ilisimatinneqarnissaanut, kinaassutsimik isertuilluni Aqutsisoqarfimmut saaffiginnissimasoq Aqutsisoqarfimmut akuersissuteqarsinnaavoq. Pineqartup akuersissutigisinnaavaa,

saaffiginnittup aqqa suliffeqarfimmut naammagittaalliuutigineqartumut imaluunniit allanut Aqutsisoqarfup ilisimatitsissutigisinnaaneranut. Aqutsisoqarfup suliffeqarfimmut naammagittaalliuutigineqartumut imaluunniit allanut saaffiginnittup aqqa ilisimatitsissutigisinnaanissaanut pineqartoq akuersissuteqarsinnaavoq. Suliffeqarfimmut naammagittaalliuutigineqartumut imaluunniit allanut saaffiginnissutip imarisaata ingerlateqqinneqarnissaanut, pineqartoq tamakkiisumik imaluunniit ilaannakortumik akuersissuteqarsinnaavoq.“

7. Kapitali 8 ima oqaasertalerneqassaaq:

”Kapitali 8

Inuussutissarsiornermik ingerlataqartut atuisunit naammagittaalliuutigineqarnerannik suliaqartarnej

§ 27. Inuussutissarsiornermik ingerlatallit nioqqutaanut, sullissinerinut kiffartuussinerinullu tunngatillugu atuisartuunit maalaarutit, Atuisartoqarnermut Unammilleqatigiinnermut Aqutsisoqarfimmut tunniunneqarsinnaapput.

§ 28. Atuisartoqarnermut Unammilleqatigiinnermullu Aqutsisoqarfimmi naammagittaalliuutip suliassanngortinneqarsinnaannginnera pillugu illuatungaannarsiortumik imaluunniit isumaqatigiissuteqarnikkut aalajangerneqarsinnaanngilaq, takuuk § 27.

§ 29. Atuisartoqarnermut Unammilleqatigiinnermullu Aqutsisoqarfup naammagittaalliuutit inatsisini allani immikkut naammagittaalliuuteqartarnermut maleruagassanik imaluunniit naammagittaalliortarfimmik aalajangersaaffusimasut sularisinnaanngilai.

§ 30. Atuisartoqarnermut Unammilleqatigiinnermullu Aqutsisoqarfik naammagittaalliuutaasoq, sularineqarnissamat naleqqutinngitsutut nalilerneqartoq, sularissallugu itigartitsissutigisinnaavaa. *Imm. 2.* Naammagittaalliornermi atuisoq tapersernejarsinnaanngitsoq ersarilluinnarpat, Atuisartoqarnermut Unammilleqatigiinnermullu Aqutsisoqarfup naammagittaalliuutaasoq sularissallugu itigartitsissutigisinnaavaa.

§ 31. Naammagittaalliuutaasoq eqqartuussivinni imaluunniit isumaqatigiissitsiniarnikkut aalajangiisartunit aalajangiissutigineqarsimasoq, Atuisartoqarnermut Unammilleqatigiinnermullu Aqutsisoqarfimmut suliassanngortinneqarsinnaanngilaq.

§ 32. Inuussutissarsiornermik ingerlataqartup Atuisartoqarnermut Unammilleqatigiinnermullu Aqutsisoqarfimmit § 27 malillugu aalajangiissutigineqartumut pituttorsimanissani kissaatiginngikkuniuk, inuussutissarsiornermik ingerlataqartup tamanna

allakkatigut Atuisartoqarnermut Unammilleqatigiinnermullu Aqutsisoqarfimmut aalajangiissutip nalunaarutigineqarneranit ullut 30-t qaangiutsinnagit nalunaarutigissavaa.

§ 33. Naammagittaalliummik suliap suliarineranik ingerlatitseqqinnissaq pillugu inuussutissarsiornermik ingerlataqartumit piumasaqaatigineqarpat, § 32-mi piffissaliussaq nallertinnagu allaganngorlugu Atuisartoqarnermut Unammilleqatigiinnermullu Aqutsisoqarfimmu tunniunneqarsimasoq, atuukkunnaarallartitsissaaq. Tamatuma kingorna § 32-mi piffissaliussaq Atuisartoqarnermut Unammilleqatigiinnermut Aqutsisoqarfik suliap suliarineranik ingerlatitseqqinnerata kingorna aalajangiissutip ullulerneqarneraniit naatsorsorneqassaaq.

§ 34. Inuussutissarsiornermik ingerlatalimmut tunngatillugu Atuisartoqarnermut Unammilleqatigiinnermullu Aqutsisoqarfup naammagittaalliornermut suliani aalajangiissutai, §§ 32-mi aamma 33-mi piffissaliussat qaangiutereerneranni, pinngitsaaliissummik naammassineqarsinnaapput. *Imm. 2.* Pinngitsaaliissummik naammassinninnissaq pillugu eqqartuussivinnut piumasaqaateqarnermi, Atuisartoqarnermut Unammilleqatigiinnermullu Aqutsisoqarfup aalajangiissutaa pinngitsaaliissummik naammassinninnissamik piumasaqarnermut tunngavissaliisoq, aammalu inuussutissarsiornermik ingerlataqartup aalajangiissummup pituttorsimanissamik kissaateqannginnera pillugu pineqartup §§ 32-mi aamma 33-mi piffissaliussat sioqqullugit nalunaaruteqarsimannginneranut uppersaat Atuisartoqarnermut Unammilleqatigiinnermullu Aqutsisoqarfimmeersoq ilanngunneqassapput.

§ 35. Naammagittaalliuuteqarnermut suliami aalajangiisoqareerpat suliami peqataasut tamarmik immikkut suliaq eqqartuussivinnut suliaassanngortissinnaavaat. Aalajangiissut malinneqanngippat Atuisartoqarnermut Unammilleqatigiinnermullu Aqutsisoqarfik atuisup piumasaqarneratigut, atuisoq sinnerlugu suliaq eqqartuussivinnut suliaassanngortissinnaavaa. *Stk. 2.* Atuisartoqarnermut Unammilleqatigiinnermullu Aqutsisoqarfup aalajangiissutai allaffissornikkut oqartussaasumut allamut suliaassanngortinneqarsinnaanngillat.”

8. § 36 ima oqaasertalerneqassaaq:

” **§ 36.** Atuisartoqarnermut Unammilleqatigiinnermullu Aqutsisoqarfimmit aalajangiissut tamanit soqutiginaateqartoq tamanut ammasumik saqqummiunneqarsinnaavoq.

Stk. 2. Tamanut ammasumik saqqummiussineq kinaassutsimik isertuinikkut pissaaq, taamaattorli *imm. 3* aamma § 37 takukkit.

Stk. 3. Inuussutissarsiornermik ingerlatalik akiliisinneqartillugu imaluunniit inaarutaasumik pineqaatissinneqarnermini akiligassinneqarsimatillugu, suliaq tamanit soqutiginaateqarpat imaluunniit Inatsisartut inatsisaanut tassannga aalajangersakkanut imaluunniit tassannga Inatsisartut inatsisaat naapertorlugu najoqqutassiat atuutsinneqalersimasut paasinissaanut

pingaaruteqarpat, Atuisartoqarnermut Unammilleqatigiinnermullu Aqutsisoqarfik tamanut ammasumik suliat pillugit ilisimatitsinnaavoq. Pisuni taamaattuni tamanut ammasumik saqqummiinerit suliffeqarfup suussusersineratigut pisinnaapput. Tamanna sioqqullugu, Atuisartoqarnermut Unammilleqatigiinnermullu Aqutsisoqarfup inuussutissarsiornermik ingerlatalik tamanut ammasumik saqqummiinissaq pillugu ilisimatissavaa, immikkut ittumik nukinginnartumik pisoqanngippat.“

9. § 37, *imm. 1* ima oqaasertalerneqassaaq:

” Atuisartoqarnermut Unammilleqatigiinnermullu Aqutsisoqarfik, inuussutissarsiornermik ingerlataqartut Aqutsisoqarfup kapitali 8 malillugu aalajangiissutaanik malinninngitsut allattorsimaffianik, tamanut ammasumik saqqummiisnaavoq.”

10. § 39, *imm. 1* ima oqaasertalerneqassaaq:

” 1) § 3, *imm. 1-2-mik*, § 4-mik, § 6, *imm. 1*, 3 imaluunniit *imm. 6-imik*, § 9, *imm. 2-5-mik*, § 9 a, *imm. 1-imik*, § 9 b, *imm. 1-imik*, § 11-mik, § 12-imik, § 18, *imm. 5-imik* imaluunniit § 23-imik unioqqutitsinerni.”

§ 2

Inatsisartut inatsisaat 1. juuli 2026-mi atuutilissaaq.

Namminersorlutik Oqartussat, ulloq 25. juuni 2026

Jens-Frederik Nielsen (atsior.)
Naalakkersuisut Siulittaasuat

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut